


古今攷

二之四



					漢書門
			二七〇		
		三	七		
		五			
	二				
一					
六	架	函	號	類	

庫文問内			
三〇七函		二七七〇	漢書
	一	七	
九架	六		
		號	類

内閣文庫		
番號	漢	2770
冊數	16	(2)
函號	307	122





古今攷卷之三

宋 紫陽方 回萬里續

上海王 折洪洲較

四明謝 三賓象三定

班固書 寬仁愛人

紫陽方氏曰史記高祖紀仁而愛人喜施意豁如也


漢書紀改曰寬仁愛人意豁如也班固加一寬字不

如司馬遷之所謂仁而愛人也加一寬字則所見之

仁矣仁全體甚大愛以仁之用也仁性也愛人仁



淺草文庫



之情也史遷所云性情體用俱完而固也天命之性
無智愚賢不肖皆有是人稟氣之清而厚者則全其
本心之仁而惻隱之心必見于愛人稟氣之濁而薄
者則有蔽塞昏怠之患而又加以物慾則所為每不
仁如項羽剽悍猾賊啗啞叱咤兇暴之至非本心不
仁而性無是仁也一切恃氣故敢于戰攻必取必勝
而敢於殺人如坑秦軍二十萬衆於新安彼何罪哉
仁不仁之間劉項之存亡也孔門論仁莫大于易之
乾卦與夫論語答顏子之問在乾為元亨利貞在人

為仁義禮智而元包四德仁冠四德曰元者善之長
曰君子體仁足以長人論天地之四時則曰春生夏
長秋收冬藏然四時常常生物故易繫又曰天地之
大德曰生聖人之大寶曰位何以守位曰仁仁所以
為百行萬善之根本禮義智非仁為之則何以有辭
讓何以有羞惡何以有是非聖賢修身內之存養仁
之體外之省察仁之用若夫克己復禮為仁孔子因
顏子問而答天下後世學者皆當然也顏子請問其
目曰非禮勿視聽言動此賢者之事亞聖人一等則

必有所勿而後有所克而後有所復聖人純
乎仁自不假此程伊川令學者類聚洙泗言仁處觀
之教人至矣而為象山之學者非之何也司馬遷謂
高祖仁而愛人止一仁字性也體也愛人二字情也
用也班固言寬仁愛人則以寬為仁而愛人之說止
於言仁之情仁之用矣孔門教人亦曰仁者愛人指
其用也他有兼言體用者不一韓愈博愛之謂仁亦
專言仁之用然所以博愛之理亦不相離後世專以
愛言仁固不盡此心此仁之全體而或者以覺者作

則又流于一偏如醫書言痿痺不仁不知痛癢固不
仁矣而無病之人皆知痛癢則非所謂仁也仁者固
無所不愛而愛屬乎情仁者固無所不覺而覺屬乎
知皆非仁之全體也本性之仁大哉乾元是也聖人
欲淨理明靜亦仁動亦仁無一毫之或私而無一物
之失所安行之仁也賢者利仁畏罪強仁又有等級
史遷本書高祖天資乃是氣稟清厚本性之仁時時
發露于人必愛而其善知人誅有罪得天下皆仁之
用也衽席閨門有不善焉則不學之過也然以其天

資見下行事則得仁之分数多矣以項羽對觀之則
仁不仁之判天壤矣古之純乎仁者其堯舜禹湯文
武周公孔子歟高祖救民于水火之中刻秦之暴削
項之兇有國四百年天地大德曰生其所以生天下
之蒼生者多矣亦可謂仁也齊桓晉文所不及也史
遷班固筆削微異吾故從而辨之而所以補此章者
恐或者議鶴山之書專攷制度而不及性理不容不
挈此大綱領而表出之也

附論易體仁足以長人并孔子以下六段

以易大蒙叅四段 朱子語二十二段 程沙隱子

易乾文言曰元者善之長也又曰君子體仁足以長

易乾文言曰元者善之長也又曰君子體仁足以長

易乾文言曰元者善之長也又曰君子體仁足以長

明道先生曰天地之大德曰生天地絪縕萬物化醇

生之謂性 告子此言是而謂大以性猶牛萬物之生

意最可觀此元者善之長也斯所謂仁也人與天地

一物也而人特自小之何耶

伊川先生曰君子體仁足以長人體法於乾之仁乃

為君長之道足以長人也體仁體元也此而效之謂之體朱文公不然見後

橫渠先生曰仁統天下之善

廣平游氏曰道者天也道為萬物之奧故足以統天仁者人也仁為衆善之首故足以長人猶之萬物發育乎春而震為長子也

漢上朱氏曰天地之大德曰生元者生物之始善之長也其在人則仁也仁者宜在高位故君子體仁足以長人而人皆長也

紫陽先生曰元者善之長也元者生物之始天紀衆德莫先于此故于時為春於人則為仁而衆善之長也非君子體仁以仁為體則無一物不在所愛之中故足以長人元者善之長以下四句是說天德之自然君子體仁足以長人以下四句說人事之方然元只是善之長萬物生理皆始于此衆善百行皆統於此故于時為春於人為仁元亨利貞春夏秋冬此天德之自然其在君子所當從事于此者則必體仁身足以長人體者以仁為我之骨我以之為體仁

皆從我出故無物不在所愛所以能長人○既者善
之長也亦仁而已體仁則瘳痾疾痛舉切語身故從
以長人○生底意思是仁○乾之元亨利貞本提謂
占得此卦則大亨而利於守正而彖辭文言皆以為
四德其常疑如此等類皆是別立說以發明一意○
易中言元者善之長說得最親切無謬漏不儀禮智
莫非善這箇却是善之長仁是有滋味的物事說做
知覺却是無滋味底物事仁則有所屬如孝弟慈和
柔愛皆屬仁○伊川語錄中說仁者以天地萬物為

一體說得太深無捉摸處易傳其手筆只云四德其
元猶五常之仁偏言則一事專言則包四者又曰仁
者天下之公善之本也易傳則此兩處說仁說得極
平實學者當精看此兩處○問黃直卿伊川偏言則
一事專言則包四者這一個能包得那數個若問著
一個便包數個答云只謂是一個公于此處見得分
明否曰向來看康節詩見得這意思如謂天根月窟
閑來往三十六宮都是春已與程子所謂靜後見萬
物有春意同且如這個卓子安頓恰好時便是仁蓋

無牽戾處便是生意窮天地亘古今只是一個生意
此所以仁包四德也曰如此體仁便不是生底意思
卓子安頓得恰好只可謂之中不可謂之仁仁只是
初底意如木之萌草之芽其在人如惻然有隱初來
底意思所以程子謂看雞雛可以觀仁為是那嫩小
底便有仁意思○以一身觀之元如頭所以人頭亦
謂之元首穆姜亦曰元體之長也今若能知得所謂
人之元元之亨元之利元之貞上面一個元字便是
包那四個下而字下面字則是偏言乎一事者不專

知得所謂元之元亨之元利之元貞之元者蓋見得
此則知得所謂只是一箇元也若以一歲言之則春
便是元之元首夏清和是亨之元孟秋是利之元初
冬便是貞之元也所謂心譬如穀種生之性便是
仁陽氣發處乃情也正如天官冢宰以分職言之
特六卿之一耳而曰建邦之六典則又統六卿以
用言之則元為主以體言之則貞為主且如陰陽
其初亦只是一個進便喚做陽退便喚做陰仁字
須兼義禮智看方看得仁字出仁者仁之本體禮者

仁之節文義者仁之斷制智者仁之分別猶春夏秋
冬雖不同而同出於春春則生意之生也夏則生意
之長也秋則生意之成也冬則生意之藏也自四而
兩自兩而一則統之有宗會之有元故曰五行一陰
陽陰陽一太極仁為四德之首而智則能成始而
成終猶元為四德之長然元不生于元而生于貞蓋
天地之化不翕聚則不發散也仁智交際之間乃萬
化之機局此理循環不窮膠合無間故不貞則無以
為元也周曰此說出于周子元亨誠之通利貞誠之復體仁如體物相似

人在那仁裏做骨子故謂之體仁仁只是個道理須
着這人方體得他做得他骨子此而效之之說却覺
見不是四德之元猶五常之仁偏言則一事專言
則包四者此段只于易元者善之長與論語言仁處
看若天下之動貞夫一者也則貞又包四者同日貞之妙如
此貞固足以幹看此一段須與太極圖通看幹
事事之骨也猶言體物也乾之元亨天道也人得
之則為仁義禮智之性問孟子言仁義禮智義在
第二太極圖以義為利却在第三曰禮是陽故元亨利貞

謂之仁義禮智猶東西南北所謂元亨利貞猶東南西北一個是對說一個是從一邊說

朱子語二十二段回節去開雜

字書諸此

東萊呂氏曰君子體仁足以長人仁者人也合而言之道也世人分為二故君子體而為一曰君子體仁足以長人易傳曰比而效之謂之體仁仁者人也合而言之道也其為人不能合故必比而效之體仁不是將仁來為我之體我之體都便是仁元者善之長春秋傳記穆姜所誦之語謂元者體之長覺得

體字較好是十體之長也

東萊四段回節文

沙隨程氏文史評漢宣帝殺趙廣漢韓延壽蓋寬饒揚惲曰四子皆賢能之士雖宣帝慘刻少恩亦由恭顯典樞機刑戮過差易曰體仁足以長人帝若以仁心每自體認何至如是

回節文

紫陽方氏曰馬遷書高祖曰仁而愛人班固曰寬仁

愛人固不及遷多矣回已論之於前嘗有感於易之

所云體仁足以長人三代而下幸有漢高之性資遂

有天下四百年之業活天下生靈不可勝計也回抄

錄孔子二語明道伊川橫渠廣平漢上語各一段紫
陽鄉先生朱子語二十二段東萊四段惟沙隨一段
所以言仁者伊川以此而效之訓體東萊從之朱子
毅然不從獨謂以仁為我之骨我以之為體其說精
矣而程沙隨乃以為體認所見尤下故附記諸此回
嘗讀鶴山易集義批於此章之末仁天之元也春也
生物之心也而天得之以為性仁包禮義智信猶元
包亨利貞春包夏秋冬然性有是存必著於情而後
仁始行蓋仁非人不行人所以行乎仁故先儒謂仁

與人合而為一也仁以人行故謂之道也天下之大
道理無以加於此也仁為人之骨人為仁之體人而
能體仁則大可以君天下小則一邦一州一縣一司
一宗之長皆非不仁之人所能為主也秦始皇以不
仁為此身之骨而此身四體全不仁釋氏評五體投
地四肢之元頭
為元體亦如之惡乎不亡漢高性資仁而愛人遂有天下孔
子之言驗于此也鬼神之神體物而不可遺鬼神無
迹物皆鬼神之神體猶所謂天運而不可已水流而不
息物生而不窮皆與道為體也仁與人為骨人與仁

為體能體仁則能長久當詳觀朱子所論而元包四
德不貞無以為元仁智交際之間乃造化之機軸至
精至妙學者尤不可不深詣哉
論語第一個仁字
紫陽方氏曰孝弟也者其為仁之本與此論語中第
一個仁字程子謂為仁以孝弟為本論性則仁為孝
弟之本行仁自孝弟始孝弟是仁之一事謂之行仁
之本則可謂是仁之本則不可回謂其為仁之本與
少為字不得孝于親弟于長推是心也則必不敢犯

仕矣上者君師有司鄉黨親友之尊於我者既無犯
上之心又豈肯好作悖亂之事春秋時作亂之人不
一其不仁甚矣自不孝不弟始所以聖賢教人必自
幼少先知事父母事兄之道也有若此言下一與字
朱子謂疑詞謙退不敢質言是也回謂以愛言仁不若
以孝弟不犯上論仁朱子謂記者欲學者識其所當
務故此為論語第二章
論語第二個仁字
紫陽方氏曰巧言令色鮮矣仁此論語中第二個仁

字朱子謂致飾于外務以悅人則人欲肆而本心之德亡矣專言鮮則絕無可知曰謂小人以巧好之言令善之色悅人淺者止于諛佞深者中藏叵測所謂蚤中之鴆也外悅乎人而內有殺人之心世多此輩朱子謂記者欲學者識其所可戒故此為論語第三章

仁者愛之理心之德

紫陽方在曰仁者心之德愛之理朱子或問詳矣黃幹直卿通釋尤詳朱子引程子語乾四德之元猶五

常之仁偏言則一事專言則包四者推此而言則可見矣蓋仁者五常之首也而包四者惻隱之體也而貫四端故仁之為義偏言之則曰愛之理孝弟為仁之本是也專言之則曰心之德巧言令色鮮矣仁是也曰謂愛之理兼仁之體用言之也其曰惻隱之體貫四端則隱愛也體也者理也百行萬善無非性之所稟心之所得皆謂之德而仁為首包百行萬善焉則專以仁為心之德而義禮智信之德包在其中矣朱子精思非一日發而為此二言此四書所以有功

於萬世也回故表而出之
論語第三個仁字
紫陽方氏曰汎愛衆而親仁一孝二弟三謹四信五
愛衆六親近仁者之人行此六事而有餘暇之力則
以學詩書六藝之文聖人教後生子弟宜當如此今
人於事親從兄有虧行不必謹言不必信常操害物
之心不為親仁之計而汲汲然學為淺陋之詩輕薄
之文其去古人遠矣親近仁者之人尤為急事不擇
友而好從小以為非今之人尤多也

或問何以致仁
紫陽方氏曰或問曰子續鶴山之書取漢高紀為古
今故書高祖仁愛之效可也廣言仁之體用何居曰
對曰三代之得天下也以仁桀紂之失天下也以不
仁凡書傳所言多仁之用而罕言仁之體私欲淨盡
仁之體也博施濟衆仁之用也漢高性質之仁形而
為愛人則所謂天下為平定于一不嗜殺人者能
一之也若究其極則于私欲淨盡全乎本心之德者
未也故泛論一篇之外引易之體仁論語首章之三

言仁朱子愛之理心之德六字所斷之仁以廣之蓋
謂古今故各言制度名物治天下之具而本根所在
自古聖人賢人治天下之道不過曰仁孔子答孟武
伯之論求由亦皆不以仁許之則雖有治國之才而
仁則不施若子張之問則令尹子文陳文子之忠之
清皆不足以言仁必也如顏子可以言仁故有克復
之許仲弓可以言仁故有敬恕之許高祖天資仁矣
約法三章曰洗秦政鞅斯之酷以此得天下而所以
為之不合於天理不本於天德者亦多矣回故攷論

孔門以至諸子所以言仁者有體有用不惟期望世
之人主力學以任仁亦期之當世士大夫近求本心
之仁孝弟是務巧令堤或愛之理心之德養源培根
而又親君子遠小人希顏子之克復踐仲弓之敬恕
以此修己以此待物必不但羨高祖一時功臣狙詐
蝟奮僥倖成名而亦或不旋踵而敗也所因之禮損
益可知古今攷之事也其或繼周百世可知古今攷
之意也

附陳太和仁說

永嘉陳鈞曰堯舜禹不言仁非不仁也睦九族和萬
邦柔遠能迺惇德允元好生之德洽于民心無一民
一物而不囿于仁也湯以征伐而君天下行古不義
殺一不辜不為也非仁乎然于兆民倒懸方解之初
驚鬼未定之日必克寬克仁乃能彰信于天下寬言
其小者仁言其大者萬世之言仁實始于此漢高祖
亦以征伐而有天下班固云寬仁愛人蓋有所本然
仁乃天性本然之理寬乃本心發見之迹體用重輕
不可不察也

紫陽方氏曰程門常令學者類聚孔門言仁處觀之
張南軒嘗類聚矣真西山讀書甲記第六卷五常門
記仁義禮智信第七卷第八卷上下專記仁自書仲
虺之誥克寬克仁始陳鈞字太和永嘉人今居金壇
知浮梁州事借回此書觀之書此一段見教因附於
此古今攷用漢紀攷古今張南軒類聚真西山記仁
不可備書於此學者當別自專心攷之

紫陽方氏曰古之君子必佩玉天子白玉玄組綬公

侯山玄玉朱組綬大夫水蒼玉純組綬世子瑜玉秦
組綬士珊瑚緼組綬而婦人亦有佩衛南子環佩璆
然是也子婦事父母舅姑各有所佩男子右佩玦捍
管籥大觶木燧左紛悅刀礪小觶金燧婦人右箴管
線緇大觶木燧左紛悅刀礪小觶金燧男子水冠等
衿纓佩容臭詩童子佩觶佩鞬如錐以解結或用角
或用蒙鞬亦曰沓亦曰鞬亦曰極射曰巨指者決以
鈎弦食指中指無名指著沓以放弦左臂著拾所以
遂祛鞬用韋大射朱極則朱之也佩觶鞬成人之禮

童子佩者詩人以譏衛惠公無成人之德也捍鞬臂
也亦曰拾亦曰遂可以捍弦用韋今人謂之套袖紛
悅拭物之巾也紛與份同巾謂之份巾曰份拭之曰
悅也亦悅也滯刀勒也古曰鞬詩鞬琫容刀是也亦
曰刀室鞘室口之飾曰琫礪礪也金燧木燧取火之
具也金曰鑿曰方諸或方圓木則榆槐之類古之佩
如是而已未有帶劍者也禮記曰虎賁之士說劍冢
語曰子路拔劍而舞少儀曰僕者右帶劍春秋傳曰
衛良夫祖裘不釋劍而食太祖數其三罪而殺之莊

子有說劍一篇其說鄙淺特甚古者車僕武士帶劍
非此則佩玉與玦拾等物至戰國尚劍則巨闕于將
鏌鋌之名顯而劍客以短長之術游說諸侯東萊大
事記周威烈王十七年秦初令吏帶劍東萊曰佩玉
三代也帶劍秦也秦與三代之分無他觀其所佩而
已是年秦簡公七年秦記又書百姓初帶劍又秦始
皇九年王冠帶劍東萊曰始皇年二十一帶劍秦始
也人主帶劍廢佩玉始此其後荆軻雜作始皇賴劍
以免二十六年初并天下銷天下兵則民間刀劍戟

槩鋒鏑盡以為金人十二意者吏尚帶劍而民則莫
敢有帶劍者矣劉季為亭長送徒驪山而得帶劍為
吏故也漢記以三尺劍取天下於是捨三代之佩玉
而佩秦之劍訖漢至魏皆然晉以木代之而唐亦有
焉項莊拔劍起舞樊噲拔劍切肉軍中當然蕭何劍
履上殿則立為朝儀矣龔遂勸民賣劍買牛則庶人
無不帶劍矣秦之法嚴而實疎劉季解縱所送徒帶
劍夜行畧無呵禁至此斬蛇之事則必有心老嫗夜
哭赤帝子殺白帝子又恐是偽為神奇者之妄言漢

有偽秦誓三篇出于河內女子有周武王白魚入於
王舟火流王屋化為鳥二事後孔壁真秦誓出乃不
然太史公好奇怪聞異說無不備載有如白魚火鳥
之事出于偽書則亦帝子之說無乃與之相似歟晉
武庫火漢高祖斬蛇劍火中飛去則又說異尤不足
信云秦史初帶劍附廣劍致秦史初帶劍
賜王子煇劍史紀秦紀簡公六年令吏初帶劍東萊大事記書於
周威烈王十七年魯繆公元年東萊曰佩玉三代也佩

劍秦也秦與三代之分無他觀其所佩而已矣又史
記秦紀後有秦紀一篇書惠公其七年百姓初帶劍
此秦吏民帶劍之始也亦不書曰佩按是時魯繆公
尊事子思東萊書中庸之書於是年又繆公以公儀
子為政東魯吏風如此西秦但知強暴而已然是時
秦亦未強威烈王二十三年為司馬公通鑑之始謂通鑑合自獲麟後續之為始欠七十八年
春秋前曲沃武公取晉其為三晉也久矣秦簡公
後惠公出子獻公始強孝公始大強惠文君立後為
惠王秦稱王始此子武王武王始死弟昭襄王立六

年蜀侯輝反索隱注華陽國志曰秦封王子輝為蜀侯蜀侯祭歸肱于王後母疾之加毒以進王大怒使司馬錯賜輝劍子孝文王子莊襄王子始皇凡吏民帶劍十世矣始皇十三歲而立二十二歲冠帶劍史記書之非始皇始帶劍也考工記挑氏為劍臘廣二寸有半寸兩從半之以其臘廣為之莖圍長倍之中其莖設其後參分其臘廣去一以為首廣而圍之身長五其莖長重九銚謂之上制士服之身長四其莖長重七銚謂之中制中士服之身長三其莖長重

五銚謂之下制下士服之臘謂兩刃力闔反一音獵又魯頌反兩從半之謂劍脊兩面殺趨鏐莖謂劍夾人所握鐔以上也鐔音淫音尋又徒南反夾古協古夾二反鄭玄注謂莖在夾中者長五寸設其後謂穿之也銚無音字書十七辭乃輟切說文曰十一銖二十五分之二又音刷陳祥道謂銚六兩鄭玄注上制長三尺重三斤十二兩等不通此乃六十兩也若六兩為銚不及此中制長二尺五寸重二斤十四兩三分兩之一人各以其形貌大小帶之此士謂國勇力之士能用五兵者

也樂記曰武王克商裨冕措笏而虎賁之士說劍于劍而言周武王莫古于此用劍之盛莫盛于戰國而以為朝儀則又始于秦而不革于漢也劍柄之名六曰後曰夾亦作鈇曰鼻曰莖曰鐔曰首又周禮注中有把字音霸及必雅反今人曰柄把是也又史記注劍室謂鞘劍刃之名三曰臘曰脊曰鐔亦曰鋒鼻亦曰羸亦作羸劍鼻之玉曰琕亦曰珥爾雅劍珥謂之鐔劍室曰櫝亦曰押謂劍押也藏虎兕亦曰押藏弓矢玉亦曰匱曰櫝進劍者左首而加於夫褱之上夫褱劍

衣也不敢褻也亦曰袂褱少儀僕者右帶劍古之佩劍必於左僕御車居中君居左勇力能軒輕之士居右則移劍于右以尊君也陳祥道謂漢禮自天子及百官皆佩劍魏唯朝服佩之晉以木代之唐亦有焉今攷史記蕭相國世家漢書蕭何傳皆書賜帶劍履上殿而無注初學記賈子古者天子二十四冠帶劍諸侯三十而冠帶劍大夫四十而冠帶劍隸人不得冠庶人有事得冠劍無事不得帶此不可信又云前制上公九命則劍履上殿儲君劍舄上殿又漢儀諸

臣帶劍至殿階解劍按史記荆軻傳圖窮而匕首見
左手把秦王之袖王驚自引而起袖絕拔劍劍長操
其室時惶急劍堅故不可力拔秦法群臣侍殿上者
不得持尺寸之兵諸郎中執兵皆陳殿下如此則秦
法惟其王帶劍耳上文劍長如字劍佩于左劍長而
室堅故不可拔左右乃曰王負劍負劍注王邵曰古
者帶劍止長拔之不出室欲王推之于背令前短易
拔蓋負于背則易拔佩劍於腰則難拔秦王惶急時
能移劍於背故能拔以斷荆軻之左股也五代至宋

以幘頭為首飾漆紗為之橫長其帶以紫緋綠為公
裳乃唐末之戰袍稍大其袖而加橫攔以玉金犀角
牛角革為帶有金銀魚袋之異靴則軍中朝服之靴
耳謂之常朝服三年一大禮而後有朝服祭服冠冕
佩紱之制人主常朝紅袍玉帶幘頭皆權禮也然古
金有六齊鍾鼎齊六金一錫斧斤齊五金一錫戈戟
齊四金一錫大刀齊三金一錫削殺矢之齊五金二
錫鑿燧齊金錫半古皆先為模範而始鑄之今之劍
戟刀斧皆鍛熟為之多鍛而精者為之鋼鐵以為刃

若非古之鑄劍然也惟鏡惟鼓惟香爐花瓶惟僧樓
大鍾用銅而冶銅鑊釜鬲茶湯罐煎盤田犁皆鐵而
治與古制全不侔矣
祠黃帝祭蚩尤於沛庭漢書禮書卷之六十一
祠祭之字篆文皆從示橫二畫古上字也縱三垂中
為星左為日右為月天垂象以示乎人故禱祠福祉
禘祫等字皆從示祠之訓春祭曰祠品物多少文詞
也不用犧牲用圭璧及皮幣祭字從肉從手月肉字
也又手字也下從示謂以手呈肉而祭也然則祠不
用牲祭用牲也今班史書曰祠黃帝祭蚩尤豈互文

乎抑果有異義也蚩尤古之始造兵器者黃帝戰于
阪泉始從事戰陳者秦禮祠八神或曰齊太公以來
作之八神三曰兵主祠蚩尤其冢在東平郡壽陰縣
其兵主也久矣班固因馬遷封禪書作志曰為沛公
則祠蚩尤釁鼓旗于蚩尤亦言祠而不言黃帝於紀
則云祠黃帝祭蚩尤恐不過互文耳下文曰釁鼓旗
則用牲可知秦廢俎豆則未知其祭之器如何圭幣
亦不深考也古者天子將出征類乎上帝宜乎社造
乎稱禡於所征之地禡亦曰表貉貉與禡同音亦讀

曰陌至秦而其禮皆亡唐制有禡祭陳祥道禮書繪
為圖亦未必盡與古合啓與有扈戰於甘之野其誓
曰用命賞于祖不用命戮於社孔氏傳謂天子親征
必載遷廟之祖主行有功則賞祖主前示不專又載
社主謂之社事不用命奔北者則戮之於社主前劉
邦以一亭長卒與立為沛公為楚之縣公固不當用
天子之禮匹夫無祖廟則無所謂主漢之榆社雖有
主亦不知用姑為是祭以行師秦及戰國以來先王
典禮掃地已盡為可嘆耳

祭不釁鼓

春秋傳曰君以軍行被社釁鼓祝奉以從古禮也周
官天府上春釁寶鎮寶器小子掌珥于社稷祈于五
祀鄭玄注珥讀為珥而思及祈或為釁音機釁者
釁禮之事也用毛牲曰釁羽牲曰珥釁社稷五祀
謂始成其宮兆時又釁邦器及軍器大司馬位釁主
注軍器鼓鐸之屬凡師既授甲迎主于廟及社主祝
奉以從殺牲以血塗主及軍器皆神之事凡師釁
則奉大牲龜人釁龜月令孟冬釁龜策羊人釁積共

其羊牲圉人釁廐雞人凡釁共鷄牲注釁廟用羊門
夾室皆用雞宗廟之器釁以豕豚文王世子曰始立
學者既興器用幣注興當為釁然則古之釁禮其詳
如此以血塗其物而祭有司行事而君不親犬羊者
其褻甚矣沛公初起釁鼓去古未遠蕭曹輩猶知之
唐制鍾鼓新成使羊豕一釁之皇太子親戎及大將
出師則豕豚一釁鼓古之人於宗廟祭器軍器廟主
社主及卜筮之物皆釁神事也路寢成則考之而不
釁不可以神之也近世此禮悉廢出師而奉主釁鼓

其不講也久矣

古今攷卷之三
旗幟
旗幟之制古者有之
周禮大司馬辨九旗之名以辨九人
之職一曰日月旗以辨九人
之職二曰龍旗以辨九人
之職三曰虎旗以辨九人
之職四曰豹旗以辨九人
之職五曰熊旗以辨九人
之職六曰貔貅旗以辨九人
之職七曰犀旗以辨九人
之職八曰象旗以辨九人
之職九曰龜旗以辨九人
之職

古今攷卷之三
旗幟

宋紫陽方回萬里續

明上海王圻洪洲較

四明謝三賓象三定

旗幟皆赤

史記注索隱曰墨翟云幟帛長丈五廣平福字詰云

幟標也字林又云熊旗五旂謂與士卒期於其下回

謂二物也幟標也旗期也旗字從於音偃從其以天

有參星旁有伐星聖人作旗以象之有征伐則士卒

期於其下也周官司常掌九旗之物名日月為常交龍為斝通帛為旌雜帛為物熊虎為旗鳥隼為旟龜蛇為旐全羽為旞折羽為旌凡旌旐之字皆從於有偃蹇逶迤之狀旌旐邊所綴謂之旒參旗之旁有九游星亦所以象天也言偃字子游義蓋取此幟字經中無之始於史記漢書音式志反史或作志或作識說文亦無此字檀弓孔子之喪公西赤為志焉注志謂章識下文設崇旒是也又銘明旌也以灰者為不可別已故以其旗識之

識式志反

皇如字詩六月織文鳥

章白旆央央識音志

又尺志反

鄭玄箋織徽織也鳥章鳥

隼之文章將帥以下衣皆著焉檀弓之識有二音皆旗旒也鄭玄所謂織有幟音則不謂之旗而謂之徽號謂為旌旗之細者若銘旌在車則衣之於身然則皆旗也而有大小之異云耳沛公旗幟固不能盡法王者之典禮既曰旗又曰幟其實二物而有二義旗所以致士卒期於其下幟所以殊徽號兵法夜戰多火鼓晝戰多旌旗軍中之耳目也韓信傳夜趙白幟立漢赤幟二千以旗為幟而字從巾旁始此史記張

蒼傳周昌為職志職主也志旗幟也志與幟同叔孫
通傳張旗幟昌志反班史食貨志旗幟如其上織音
熾此一字而有四寫識幟志織而有三音曰諫曰志
曰熾從巾傍者非古字也姑舍是而論沛公之心則
以斬蛇之事為殺白帝子自比為赤帝子負此禎祥
作此赤旗赤幟氣吞亾秦視天下若已有之矣秦以
數十百年之力剪宗周亾六國一天下而區之一匹
夫起於亭長攘天命而奪之興亾之間可不畏哉

附廣旗幟攷

周禮司常掌九旗之物名物名者所禮異也谷有屬以
待國事屬謂徽識也大傳謂之徽號今令城門日月
為常交龍為旂通帛為纛雜帛為物通帛謂大赤周
者以帛素飾其側湯之正色熊虎為旗鳥隼為旟龜蛇為旐全羽
為旒析羽為旌全羽析羽皆五采繫之於旗旌之上
用予謂九旗九名而總謂之旗○國之大閱贊司馬
頒旗物王建大常此大閱所建則戎路以建大常玉
路金路不出諸侯建旂孤卿建纛大夫士建物師都
建旗州里建旗縣鄙建旒道車載旒旒車載旒○大

常之制五畫日月象天明也舜袞服十二章至周移
日月星於旗則大常也其制乃大旗也以絳帛為之
而橫十二幅直一幅如下裳有腰於直一幅之上畫
弧矢次畫日次畫北斗次畫月其十二幅則畫升龍
者六而素畫降龍者六而青郊特牲曰龍章而設日
月魯用天子之禮曰龍旂承祀左傳曰三辰旂旗可
攷也惟崇牙之制未的鄭玄以為崇牙者為重牙以
飾旒之側旒則旒十有二旒是也司常曰日月為常
而不言弧矢星升降龍惟天子許畫日月故舉其重

也要之大常亦曰旗亦曰旂爾雅曰素錦綢杠杠者
所以揭旗也今以木為之謂之旗桿而韜之以錦也
其未則設旒以覆之而綴以鈴予前朝一觀大禮一
侍祠為太廟配饗功臣官近世天子太常他無所用
惟三年一大禮玉路建左右二大旗此所謂太常也
側垂於路之後六馬不能勝以衛士數百人曳之路
之上飾珠玉甚多想古者不如是之侈巾車曰玉乘
玉路建大常十有二旒以祀是也然古者不止用於
祀天祀廟拜日禮月祀方明而朝諸侯禮四瀆禮山

川秋治兵冬大閱皆用之古人不單騎馬以駕車
天子一舉一動別無所謂今之逍遙輦平頭輦則何
往而不乘路五路之內玉路駕大常其一也後世人
主三年一用之徽廟時常備五路見南郊鹵簿圖南
渡後僅一路大常三年一用之古所謂厥有成績紀
於大常者其廢久矣漢入主之車惟曰黃屋左纛當
別攷也○旂之制交龍為旂考工記不言大常之制
曰龍旂九以象大火也諸侯之所建也大閱治兵皆
建之大火蒼龍宿之心其屬有尾尾乃九星巾車建

大旗以賓同姓以封諸侯則天子亦可建九旒之旂
故樂記曰龍旂九旒天子之旌也其制橫九幅升龍
降龍間焉直二幅一升龍一降龍亦有鈴亦當有旒
觀禮曰侯載龍旂弧韜則亦有弧矢在直幅之上歟
詩曰龍旗陽陽龍旂十乘龍旂承祀淑旂綏章左傳
曰分魯公大路之旂明堂位曰有虞氏之旂夏后氏
之綏殷之大白周之大赤魯兼用之則旂始於舜孔
氏傳予觀古人之象作服謂十二章畫衣服旌旂不
誤也鄭玄謂綏當為綏有虞氏當言綏夏后氏當言

旂予謂未嘗誤也綏之為綏而音耳佳王制下大綏
亦改此字此音故亦無傷玄謂注旄牛尾於杠首亦
旌旗之類耳陳祥道以為綏者旌旒而已且如天子
太常亦畫升龍降龍玄注諸侯旂乃謂交龍一象其
升朝一象其下復則天子之龍亦下復耶玄望文作
義舛刺不一龍有蟄有飛自潛至亢各有義取不可
過剛而至於亢故一升一降也大常曳地侯之旂齊
軫卿大夫齊較士齊肩則其等降也後漢志龍旂九
旂以齊軫熊旗五仞以齊肩龜蛇四仞以齊首仞尺

也先儒又謂天子旌九仞諸侯大夫五士三古尺甚
短如此七尺及軫五尺及較車制較在軫上雉攷大
槩高下不同楚令尹為王旌以田芊尹無字斷之齊
樂高伐虎門公使以靈姑鉅率告請斷三尺而用之
侯以下不敢同於君古禮如此○旌之制通帛為旌
亦作旃其制橫六幅直一幅謂之大赤無繒畫王之
孤鄉六命建之公侯伯亦有孤四命有卿三命子男
有鄉再命而無孤皆許建大赤歟鄭玄謂大赤同周
正色孤鄉不畫言舉王之政教而已說亦無據○物

之制雜帛為物士大夫建物其制橫三幅直一幅亦
曰少帛與大赤其存無可攷考工記並無之○旗之
制熊虎為旗其制橫六幅直一幅直畫一熊一虎橫
熊虎間考工記熊旗之存以象伐也伐屬白虎宿與
參連體而六星大閱師都建旗治兵則軍吏建旗軍
吏者五師為軍軍有將命卿也五旅為師師有帥中
大夫也古將帥之官其名見此五卒為旅旅亦有帥
下大夫也此萬二千五百人及二千五百人與五百
人之兵官也宜建熊虎之旗百人之卒長二十五人

之司馬五十之伍長渾於軍中其不建此者歟師都
二字雜攷鄭司農以為二千五百人之師帥鄭玄兩
注皆以為鄉遂大夫姑存疑可乎邦國都鄙之都鄭
玄以為二百里外卿大夫采邑王子弟食邑之地謂
都之所居曰鄙又引六遂五鄩為鄙之鄙全不分曉
○旗之制鳥隼為旗考工記鳥隼七旒以象鶉火也
鶉火朱雀宿之柳其屬有星星乃七星大閱州里建
旗治兵百官建旗百官者主兵之百官惟大閱之州
里鄭玄以為州長里宰六卿有此長閭胥族師黨正

州長而後有卿大夫各鄉鄉一人二鄉公一人有鄉師共七萬五千家六遂有鄰長里宰鄰長鄙師縣正縣士而後有遂師遂大夫遂士共七萬五千里六鄉在五城外一百里之內六遂在六鄉外二百里之內六鄉之州長中大夫所掌五黨二千五百家六遂之里宰下士一人所掌二十五家州長掌二千五百家中大夫建旗里宰掌二十五家下士亦建旗無乃不倫之甚歟鄭玄嘗以鄉大夫遂大夫兩解師都尚有可疑以州長對里宰言建旗尤可疑也其制橫七幅

直一幅直畫一朱雀一隼橫朱雀隼間焉詩曰子子于旗郭璞釋爾雅謂旗剝鳥皮毛置之竿頭卽禮記載飛鴻及鳴鳶其說非是爾雅曰錯隼鳥為旗謂朱雀與隼此說是○旒之制龜蛇為旒考工記龜蛇四旒以象營室注營室玄武宿與東壁連體而四星考工記於九旗之內惟舉此旗旂旛旒謂象東蒼龍西白虎南朱雀北玄武而不言大常禮物旒旌何也其說詳見曲禮攷之左傳旒制四旒橫四幅直一幅皆繪蛇纏龜身鄭玄以營室二星東壁二星共四星為

四游之說東方角亢氐房心尾箕龍也西方奎婁胃
昂畢觜參虎也南方井鬼柳星張翼軫朱雀也北方
斗牛女虛危室壁玄武也九七六四之游不取星數
大常十有二游又取何星之數乃隆殺然耳或謂龍
虎雀皆一物惟北方龜蛇二物象又之有腎其數亦
二是亦曲說男子外腎二內腎者俗呼為腰子亦二
固也古旂旗旗畫升龍降龍亦二畫朱雀與隼亦二
畫熊與虎亦二天地之間無獨必有對眼二鼻孔二
耳竅二口之食喉氣喉二小腸為心之腑大腸為肺

之腑膽為肝之腑胃為脾之腑膀胱為腎之腑而腎
分其一為命門故曰五臟六腑子謂二十八宿分天
為四赤道界天之中黃道半在赤道內半在赤道外
北方七宿所管星對室壁處有騰蛇二星所以取象
二物也若曰北方七宿以二腎象龜蛇則不知左腎
為龜右腎為蛇乎未有為之說者大閱縣鄙建旆六
遂五鄙為鄙上士鄙師掌百家五鄙為縣下大夫縣
正掌二十五百家其所建也六鄉亦有大閱然不言
六鄉州黨何也治兵郊野建旆即二百里外為郊野

鄭司農謂縣師六遂有縣正縣士而縣師之官乃井
田井邑丘甸縣都之縣其職稍貴鄭玄謂州長縣正
然亦不同鄉大夫之職貴於遂大夫鄉大夫之下曰
州長中大夫遂大夫之下縣正下大夫竝建龜蛇之
旒以治兵別無明文然則大閱簡軍實治兵甲軍法
固各有其制而後世以之矣今世所謂九旗者一切
皆廢天子三年大禮一用大常之外他皆苟且為之
自天子以至州縣旗物之類皆不應古格同亦空言
之云耳詩曰設此旒矣又曰建旒設旄○旒之制全

羽為旒旌之制析羽為旌其杠皆飾以錦朱旒覆其
首皆以五采繫而垂之其數皆七孟子所謂羽旒之
美是也道車載旒旒存車載旌道車象路也存車水路
也象車建大赤以朝水車建大麾以田朝建大赤而
燕出入則建旒田則建大麾而鄙則載旌全羽析羽
考工記鍾氏染羽蒼鳥羽不皆朱則染之以朱湛丹
秫三月而熾之淳而漬之後世總謂之旌旗○或問
此九旗者考工記何以獨舉旂旗鎮旒象天文四物
也曲禮因言武車綏旌德車結旌因及七者所載而

繼之曰行前朱雀而後玄武左青龍而右白虎招搖
在上急繕其怒繕讀作勁此謂軍行前建朱雀與隼
之旗後建龜蛇之旗左建文龍之旗右建熊虎之旗
也或謂王建大常居中謂之招搖在上指大常所畫
之北斗也豈左青龍卽諸侯歟右白虎卽軍吏歟前
百官之旗而後郊野之旗歟如是說者拘矣王者九
旗皆得用之天子軍行或親征宜當四面備此四旗
之制也鄭玄注以此四獸為軍陣非也攷之上文前
有水則載青旌卽旗之類禮家圖以旒揭幡畫三青

龍雀於上知水也前有塵埃則載鳴鳶畫三鳶於幡
鳶知風塵埃風所為也前有車騎則載飛鴻畫三鴻
於幡鴻有行列警衆使知備也前有士師則載虎皮
以旌懸真虎皮兵衆將接則當如虎之威猛以敵之
也前有摯獸則載貔貅皮以警衆獸之尤摯者可以
相服猶椰子厚熊說也鄭玄云君行師從卿行旅從
此軍行之備也○司常大閱所建前已備書鄭玄謂
州里建旗縣鄙建旒鄉遂之官互言之是也正文於
九旗下有皆畫其象焉五字卽所謂日月交龍熊虎

鳥隼龜蛇而鄭玄注乃謂畫雲氣殊不可曉官府各
象其事州里各象其名家各象其號玄謂事名號者
徽織也所以題別衆臣樹之於位朝各就焉三者旌
旗之細也異於在國軍事之飾予謂旌旗之細四字
甚奇謂以小旌小旗畫象而植於各官所當立之地
也凡祭祀各建其旗五路會同賓客亦如之祭祀以下又自
是吉凡軍事建旌旗及致民置旗幣之此又是甸亦
禮是吉如之凡射共獲旌周禮凡幣字有三音必世薄計府
世反讀經當從第一音讀史當從後音此音幣也而

義則斷也八曰官計以幣邦治是也至如此置旗幣
之之幣則不同婢世薄計二反皆唇音只是幣字本
音注謂始致旗以致民民至什之誅後至者則幣訓
仆也亦訓止○置旌門大喪共銘旌王建大常建廡
車之旌彛亦如之歲時共更旌取舊予新更旌二字
奇然未可曉竝見司常之職○夏采以乘車建綏復
於四郊此大喪天子復之禮也夏采天子之官大喪
天子之喪檀弓曰君復於小寢大寢小祖大祖庫門
四郊則其禮凡九此以冕服復於太祖一也以乘車

建綏復於四郊四也王祀四郊乘玉路建大常余以
此復者謂用其平生所御以招復其魂大常去旒異
於生時鄭玄謂綏當作緡凡綏字皆然注文又云先
王有徒綏者禮書畫象杠之頂垂垂如蓋而羽旄為
飾大常而下九旗杠頂皆注旄恐亦不須改此字○
大司徒大軍旅大田役以旗致萬民畫熊虎者○鄉
師凡四時之田以旗物辨鄉邑而辨其政令○遂人
若起野役以遂之大旗致之○山虞若大田獵則菜
山田之野及幣田植虞旗於中致禽而珥焉注以其

主山得畫熊虎此一幣字訓止謂田者既止則建旗
致禽取禽之左耳也○澤虞及幣田植虞旗以屬禽
澤鳥所集故得注析羽幣田同上義○肆師表棗盛
告潔注表謂徽識正義曰於六棗之上皆為徽識小
旌書其黍稷之名以表之此小旌表六棗甚新奇五
旌以表之凡當表者不止此也後世旌表門閭亦當
立物如旌以表焉而近制皆苟簡不一古大閱治兵
不同近世制帥郡守春秋二大教曰大閱曰閱武教
頭執草捧若旌之類近上將官腰插五色小旗於庭

階下為軍陣旗幟進退抑揚之節非古之遺意歟○
典命上公九命其車旗衣物皆以九為節伯侯七子
男五王之三公八卿六大夫四出封皆加一等公之
孤四命卿三大夫再士一侯伯如之子男之卿再命
大夫一士不命車旗衣物之節視其命也○巾車五
路建大常十有二旂以祀九旗之畫日月者正幅為
繆旒則屬焉繆亦作慘所御所廉二切金路建大旂
以賓同姓以封象路建大赤以朝異姓以封革路建
大白以即戎以封四衛大白殷之旗猶周大赤即戎

謂兵事四衛四方諸侯守衛者蠻服以內木路建大
麾以田以封蕃國大麾不在九旗中色黑夏后氏所
建田四時田蕃國謂九州之外夷服鎮服蕃服此玉
之五路所建曰祀曰賓曰朝曰即戎曰田而大白大
麾非九旗之數封同姓諸侯則許乘金路建大旗歟
封異姓諸侯則許乘象路建大赤歟封四衛遠諸侯
則許乘革路建大白歟封夷狄之君則許乘木路建
大麾歟然禮家參攷不可強同今世既不備五路而
車制廢九旗之制亦廢建炎南渡後士大夫皆乘轎

近大小官惟單騎馬予攷此制亦愚矣哉○大司馬
中春教振旅司馬以旗致民中夏教芟舍辨號名之
用芟蒲未切芟舍草止之也軍有草止之法號名者徽織
所以相別也中秋教治兵辨旗物之用王載大常至
百官載旗前已備書中冬教大閱修戰法虞人乘所
田之野為表百步則一為三表又五十步為六表田
之日司馬建旗於後表之中群吏以旗物鼓鐸各帥
其民而致質明弊旗誅後至者遂以狩田以旗為左
右和之門旗居卒間以分地此古四時教戰用旗物

之節也軍門曰和門鄭玄謂今之壘門立兩旗以為
之○節服氏掌祭祀朝覲衮冕六人維王之太常注
維之以縷王梳十二杼兩兩以縷綴連旁三人持之
禮天子旌曳地諸侯則四人讀至此則知諸侯之旂
亦可謂之常天子之常亦可謂之旂又總皆可謂之
旗田侯令獲者植旌於司市上旌於思次二旌者
以為眾望也見旌則知當市也思次若今市亭也
行人上公建常九旂侯伯建常七旂子男建常五旂
如此則公侯伯子男之旗皆可謂之常覲禮天子乘

龍載大旂象日月升龍降龍此乃大常可謂旂之據
且又見不止畫日月又畫升降龍亦是一據○鄉射
禮翻旌龍檀君國中射則皮樹中以翻旌獲白羽與
朱羽揉於郊則閭中以旌獲於野則虎中以龍檀獲
大夫兕中以其物獲士以翻旌獲又旌各以其物無
則以白羽與朱羽揉杠長三仞以鴻脰韜上二尋子
謂射中為獲每一射中則舉旌以識之皮樹中者以
器為之矢一中則以一等入焉皮樹中獸也而人面
其形伏其背上為竅以容等閭虎兕皆獸龍檀畫龍

於通帛也翻旌即前白羽朱羽之所為也○鄉師大
喪及葬執燹桃招切又音壽雜記匠人執燹以御柩
鄭司農云翻羽存幢也爾雅曰翻燹翳也詩曰值其
路翻舞者所持也春秋傳曰舞師題以旌夏則鷺翻
若今大樂二工執之以引舞者舞也射也喪也用燹
三○檀弓曰銘明旌也以死者為不可別已故以其
旗識之孔子之喪公西赤為識焉設崇尚也綢練夏
也此則周禮司常之所共也設崇謂崇牙旌旗之飾
綢練以練綢旌之杠此旌臺乘車所建旌之旒緇布

廣充幅長尋曰旒爾雅素錦綢杠冷人以紅帛粉書
某官某人之柩上下繪板俗曰旒旒喪車則以導於
前塋填棺上江南人無車喪之棺以人舉之杭人以
大木二衆舁之他州有山險上下傾側架以輓轆若
輿貫其中而兩頭輕重適平曰千金秤○明堂位魯
君孟春乘大路載弧韜旗十有二旒日月之章祀帝
於郊此禮雖成王所賜似不必用注弧旌旌所以張
幅也鄭玄多自為異同考王記弧旌枉矢以象弧也
參之他經不見何時有所謂弧旌者天子之大常畫

一
弧矢於上玄注引覲禮載龍旂弧韜謂旌旗之屬皆
有弧弧以矢終之謂之韜此以上與明堂位注相連
若真設弧矢以張旌旗之幅其綴於上之謂歟下文
却謂妖星有枉矢者蛇行有毛目此云枉矢蓋畫也
如此則畫矢而已又與明堂位注及上文不同予謂
弧矢之在旌旗有二說一謂用真弓矢一謂繪畫矢
又前有天狼星後有弧矢星必是取誅惡禁暴之義
真綴弧矢以張白幅當攷四代之旗再言之不書○
大傳曰旅徽號注旌旗之名鄭玄謂徽織旌旗之細

綴於膊上在朝則植之於位在軍則衣之於身詩曰
織文鳥章注云織徽號也鳥章鳥隼之文章將帥以
下衣皆著焉予謂近世大內內侍省中官之徒入皇
城司衛士幕士之徒皆有黃號繫於胸前軍中金鼓
有背心劄亦然大書於背大工役夫匠巾插小旗書
其名皆古遺意也○詩于旄出車六月車攻采芣無
羊采芣柔柔韓奕載見泮水闕宮玄鳥十三詩言旄
旗旒旆旌旌章不一惟無羊詩之牧人乃夢衆維魚
矣旒維旌矣大人占之衆維魚矣實雅豐年旒惟旌

矣室家漆漆此詩尾章八句三句為問五句為答極
妙乃作長篇詩法也與前斯干考室詩同體第六章
五句說夢第七章五句大人占夢第八章九章各七
句言所以夢之祥尤佳極可為布置大篇詩之法大
篇詩前輩云三折轉當有分章問答之體孟子曰招
虞人以皮冠大夫以旌士以旂庶人以旃又曰昔齊
景公田招虞人以旌不至將殺之志士不忘在溝壑
勇士不忘喪其元趙岐注虞人不得其招尚不往君
子何不待招而見諸侯春秋昭二十五年齊侯困於

沛招虞人以弓不進辭曰昔我先君之田也旃以招
大夫弓以招士皮冠以招虞人史法所見異辭所聞
異辭所傳聞異辭小有不同不必強合○國語吳王
陳士卒百人以為徹行十行一嬖大夫建旌千人提
鼓挾經秉枹十旌一將軍載常萬人常萬人以方陣
皆白常白旂素甲有旌有白羽之贈望之如荼王親
秉鉞載白旗又有中陣而立左軍亦如之赤常赤旂
又有丹甲朱羽之贈望之如火右軍亦如之皆玄常
玄旗又非王黑甲烏羽之贈望之如墨此所謂黃池
大旗

之會也軍三萬人為三大方陣建旌一嬖大夫三十
人三大將皆建常三軍各建旌建旗建旗而王載白
旗吳子爵僭王軍制之侈如此而肉食之謀為晉人
所覘爭長亦為晉人所先越勾踐已入其國歸與越
平而匪久終以此等軍制不足書不足法○月令春
青旂夏赤中央黃秋白冬黑呂不韋書不會行用徒
見之書不足法○鄭有螽弧晉有蠶旗楚王建肥胡
武靈梅田蚡曲旃後漢雲罕等皆非古制愈降愈下
殆不勝書○建隆將郊陶穀建議作攝提旗北斗旗

二十八宿旗十二辰旗龍墀十三旗五坊神旗五坊
風旗四瀆旗又以瑞應作金鸚鵡玉兔馴象旗太祖
又別造大小黃龍負圖旗各一大神旗六日旗月旗
君王萬歲旗天下太平各一獅子旗三金鳳旗五
龍旗五凡二十一旗皆有架建之郊路乃權制非古
制也

古今攷卷之三

終

古今攷卷之四
古未有崛起一時以三千人而得天下者也堯以前
勿論禹之征苗不見人數啓與有扈大戰于甘之野
曰六卿六事則用六軍七萬五千人矣胤侯以仲康
之命征羲和亦用六師湯伐桀不見人數文王以西

伯戲黎書言伐邠伐密須伐太夷伐耆伐崇崇卽黎也竝不見人教武王伐紂泰誓有曰大巡六師是則武王不待勝紂已用天子六軍之制矣至牧誓則曰革車三百兩虎賁三千人古車戰法一車總七十五人車之上甲士三人御者居中射者居左擊刺者居右步卒七十二人在後或臨時制變有一車百人之說有一車二十五人之說所謂先偏後伍右爲將軍則將居中擊鼓御者左而右兼射武王之六師爲車千乘甲士步卒七萬五千人而止以車三百兩虎賁

三千人與紂戰者兵亦在多也或謂虎賁爲首夫長車百人則爲兵三萬或以爲一車七十五人計之而虎賁三千人乃武王之近已爲衛者蓋不可詳攷也春秋以至戰國諸侯僭上所謂大國三軍次國二軍小國一軍之制蕩然莫守蘇秦之說六國也動曰車千乘騎萬匹趙武靈王之胡服而騎射也車戰盡廢而鄉遂出軍之法盡矣長平之戰白起坑趙降卒及前後斬首四十五萬人王翦伐楚必欲用六十萬人故當時有語曰興師十萬日費千金而秦之戍守五

嶺也至用五十萬人至於兵無可起而發閭左之威
以凶天下劉季之解縱所送徒壯士願從者千餘人
無異盜賊沛令令樊噲召季則已數百人至立為沛
公則僅得此子弟三千人耳而卒以凶秦世變人事
可畏也或沛公以此三千人攻胡陵房與守豐破泗
川監平殺泗川守壯見景駒與司馬尼戰拔楊郡又
得陽兵六千人合九千人見項梁於薛又得兵五千
人五大夫將十人則有兵一萬四千人矣其後又奪
剛武侯軍四千餘人自秦二世元年辛卯九月起沛

歷二年壬辰三年癸巳漢元年甲午冬十月入關十
二月與項羽會鴻門則沛公兵十萬號二十萬項羽
兵四十萬號百萬矣夏四月以漢王就國項羽使卒
三萬人從又楚子諸侯募從者數萬人則漢王之在
漢中有兵幾二十萬也五月而還定三秦者此兵也
二年四月劫五諸侯兵入彭城則為兵五十六萬人
矣然而項羽能以三萬人破五十六萬之漢殺漢卒
十餘萬睢水為之不流何也漢得於勝而兵不備則
兵之不在眾也可知矣及夫破羽攻下淮陰侯以三

十萬自當羽孔將軍居左費將軍居右皇帝在後絳
疾柴將軍在皇帝後項羽之卒可十萬淮陰先合不
利却孔將軍費將軍縱楚兵不利淮陰侯復乘之羽
遂大敗然則此陣也孔費絳柴及漢高自將各可十
萬無疑羽至是力不敵矣而墮於韓信之計陷於孔
費二將之左右翼中為信所掩漢高僅能居於陣後
以絳柴二將護已而已漢之得天下其本也兵力如
此之盛其始也不過三千人李習之有言唐神堯以
一旅取天下後世子孫不能以天下取河北故少康

之祀夏配天亦根於一旅而湯武之興各以百里之
諸侯後世養兵愈多費財愈甚而不能守其天下者
多矣夫豈無其故哉不鄉遂不井田不封建不城守
而聚烏合之眾自戰敵也且無有仁義道德以維持
之此匹夫之所以暴興而莫之禦也歟

項梁羽起吳田儋榮橫起齊自立為齊王韓廣
自立為燕王魏咎自立為魏王並二世元年九月
楚立韓公子成為韓王班史帝紀不書見張良傳東萊大事記謂在秦

二年
六月

秦始皇卽位之年年十三歲在甲寅是年漢高祖所
生先是秦昭王五十一年滅周周赧王之五十九年
也歲在乙巳去獲麟二百二十六年去孔子卒二百
二十四年是時周分為三有周赧王東周君西周君
其年秦遷西周君於黽狐秦昭王五十六年卒太子
柱立為孝文王在位一年子楚立為襄莊王元年歲
在壬子遷東周君於陽人三周皆滅而是年楚亦滅
魯莊襄王在位三年卒卽始皇嗣位甲寅歲也始皇
元年乙卯天下七強國曰秦而與韓趙魏楚燕齊為

敵國曰代曰衛小弱國也十七年滅韓十九年滅趙
二十三年滅魏二十四年滅楚二十五年滅燕滅代
二十六年滅齊呂政遂自立為始皇帝歲在庚辰又
十二年凡在位三十七年歲在辛卯而始皇崩周之
以始皇之末帝海內三十五年無天子始皇為帝十
二年而崩二世為帝三年而秦以歷壬辰癸巳甲午
漢王西楚霸王元年歲在乙未計獲麟之後二百七
十五年而為漢蓋二世元年七月陳涉起斬自立為
楚王而楚復矣八月武臣自立為趙王而趙復矣九

月劉季起沛項梁項羽起吳皆應楚者也田儋自立為齊王則齊又復矣韓廣自立為燕王魏咎自立為魏王則燕魏又復矣惟韓未復秦二年十一月趙王武臣死十二月楚王陳涉死正月張耳立趙歇為趙王秦嘉立景駒為楚王而趙楚又興四月項梁殺楚王景駒六月項梁沛公共立楚懷王孫心是月張良說項梁立韓諸公子橫陽君成為韓王張良為韓司徒而六國皆復興矣惟韓之興也最後當是時秦將章邯擊殺魏相周市魏王咎與民約降於秦而自殺

章邯又殺齊王田儋七月而圍田榮於東阿一起一伏兵家常勢至其大歸自有定理於是項梁沛公共救田榮破章邯八月而田儋之子市復為齊王九月章邯雖殺項梁而魏咎之弟復立為魏王天下之所為欲滅秦者終不可禦倡以陳涉和以劉項六國已灰而復燃強秦以數十百年不道之力滅周一諸侯而一旦絕祀無種是故知力之不足恃而人心之不可失也

楚復立王四

楚最先復秦二世元年七月陳涉起蕪入陳自立為
楚王秦二年十二月為其御莊賈所殺以降秦王凡
六月其年正月秦嘉立景駒為楚王四月項梁擊殺
景駒秦嘉王凡四月六月沛公項梁共立楚懷王孫
心為楚懷王是時諸將在薛用范增計心在民間為
人牧羊求得之以陳嬰為上柱國與懷王都盱台九
月章邯破殺項梁沛公項羽從懷王都彭城漢元年
冬十月沛公至霸上歲在乙未十二月項羽入關春
正月陽尊懷王為義帝徙之長沙都郴心為王凡一

年有半而為義帝又九閱月而為羽所殺羽自為西
楚霸王王梁楚地九郡都彭城秦分天下為三十六
郡桂林南海象郡趙佗據之閩中郡越諸子孫據之
此四郡秦亡時已非具有羽取三十六郡之地而有
其九郡不道極矣漢五月歲在己亥十月漢王追羽
至固陵十二月誅羽東城楚地悉定羽為王四年有
竒是後漢立楚王韓信又立楚元王交地益狹非羽
所謂楚亦非春秋戰國所謂楚矣楚之先祝融吳曰
生陸終陸終生六子六曰季連芣氏其後周成王時

封熊繹於楚蠻以子男之田居丹陽在南郡枝江縣
今江陵府江南上流枝江縣猶存周夷王時熊渠自
立三子為王周厲王暴虐熊渠畏其伐楚而去其王
春秋初年楚武王熊通始僭稱王而獨夏之聲益著
齊桓公晉文公之霸楚武王成王亦益強大成王為
太子商臣所弑商臣立為穆王子莊王子恭王子康
王康王卒子員立康王弟圍弑員自立為靈王靈王
不道康王次弟比立為初王靈王機死乾谿康王第
四弟棄疾迫殺初王自立為楚平王平王奪太子建

之婦生子壬立為昭王楚是以有子胥之難昭王卒
妾子章立為楚惠王於是又有太子建之子白公之
難而春秋終惠王子簡王立八年三晉始列為諸侯
繼以聲王悼王肅王肅王卒卒無子立其弟熊良夫
為宣王宣王子威王威王子懷王熊懷立四年秦惠
王始稱王懷王之三十年為秦昭王所詐留秦不還
國人立其子橫為頃襄王即宋玉賦所謂楚襄王也
又歷考烈王幽王哀王哀王庶兄負芻殺哀王自立
為秦所滅虜自熊繹至負芻四十一世初都丹陽後

徙郢去郢徙姑又云徙鉅陽白起破郢走保陳復徙
都壽春所至命曰郢其地西界蜀有巫黔中西北界
秦有漢中上庸剪滅百蠻以廣其封北接陳蔡東界
吳南則五嶺東南則百粵其為秦所侵伐失之西而
取之東滅陳蔡宋魯自越先滅吳而楚又滅越則其
地北界齊韓魏而南盡荆陽秦之南郡九江郡鄣郡
會稽郡漢之南郡江夏桂林武陵長沙及漢中汝南
郡皆其地其為秦所滅時北有薛郡者魯也碭郡泗
州郡亦宜屬焉今之京西南路夔州路荊州北路南

路淮南東路西路江南東路西路浙西路浙東路皆
是又奄有淮北魯宋則其地非不廣獨以君臣出於
蠻夷之俗與秦相去不遠故因循以至於亡懷王之
死楚人憐之秦之不道亘古所無故其遺民世家崛
起相王卒以斃秦而開漢漢之所以得之者在於不
得已而後殺人漢之所以不純乎三代卒不復古制
者楚與秦之餘習未泯而承其敝法故也

趙復立王六

趙次楚復秦二世元年七月陳勝起遣武臣張耳陳

餘畧趙地八月武臣自立為趙王都邯鄲武臣尋為
燕軍所得既歸國秦二年十一月為趙將李良所得
殺武臣王凡四月正月張耳陳餘復立趙歌為趙王
居信都章邯兵至走鉅鹿王離圍鉅鹿三年十二月
項羽救趙虜王離走章邯漢元年正月項羽分趙為
一徙趙王歇為代王都代封代相張耳為常山王都
襄國於是更名趙為常山而趙有兩王漢二年十月
陳餘借兵田榮擊走常山王張耳耳歸漢陳餘迎代
王歇復王趙而趙歇立陳餘為代王分其國陳餘留

相趙王而以夏說為代相國守代漢三年十月韓信
張耳擊破代禽夏說又擊趙斬陳餘追殺趙王歇襄
國置常山代郡歇為王垂及四年耳為常山王凡十
月陳餘為代王僅一年漢四年夏立張耳為趙王五
年秋張耳卒耳為趙王又一年餘子敖嗣王漢九年
敖以貫高事赦為宣平侯趙之再興凡六易王其後
趙隱王如意趙幽王友趙共王恢趙王呂祿雖皆王
趙非是之謂矣趙之先為商紂臣惡來惡來弟季勝
季勝曾孫造父周穆王賜之趙城其後去周事晉獻

公賜趙夙耿夙生共孟共孟生趙衰趙衰事晉公子
重耳得晉國衰及子盾世專晉政是為六卿曰欒氏
曰中行氏曰知氏曰趙氏曰魏氏曰韓氏欒氏先滅
春秋後趙簡子破走中行氏于邯鄲栢人與知魏韓
四分其地簡子卒子趙襄子立襄子又與韓魏智伯
鏗三分其地而後三晉益強周威烈王二十三年初
命晉大夫魏斯趙籍韓虔為諸侯去春秋獲麟七十
八年歲在戊寅為通鑑之始周烈王六年三國滅晉
周顯王十六年魏稱王齊稱王周顯王三十五年齊

魏會諸侯徐州相王于是韓燕趙皆繼稱王周顯王
四十四年秦初稱王周慎靚王三年宋亦稱王然宋
國微小曾與惴惴乎其間尤為不競獨七國秦始皇
帝十九年王剪虜趙王遷滅趙自烈侯藉受封至遷
凡九世其稱王武靈王惠文王孝成王悼襄王幽繆
王凡五王又一王曰代王嘉本悼襄王適子遷之母
娼也嬖而立之遂以亡趙分晉得趙國北有信都真
定常山中山又得涿郡之高陽鄭州安鄉東有廣平
鉅鹿清河又得渤海郡之東平舒中邑文安東州成

平章武河以北也南至浮水繁陽內黃斥丘西有大
原定襄雲中五原上黨上黨本韓別郡遠韓近趙馮
亭以上黨歸趙孝成王受之卒致白起長平之禍趙
與秦共祖秦出惡來惡來之父飛廉其先為商帝大
戊御曰中衍趙之滅猶有後趙姓皆是秦滅無後世
無復有羸姓者云
齊復立王九
齊次趙復秦二世元年九月田儻與從弟田榮橫起
齊自立為齊王秦二年六月章邯破殺齊王田儻于

臨濟恐當作臨蕃儻為王僅十月沛公項梁救田榮
共解東阿之圍八月田榮立田儻子市為齊王初田
儻之破也田假復自立為齊王田榮至是逐田假而
立田市田假亡走楚相田角亡走趙角弟間故齊將
居趙不敢歸項梁救使使趣田榮兵俱西追秦軍田
榮欲使楚殺田假趙殺角間乃發兵項梁不肯殺假
趙亦不肯殺角間以故田榮不肯發兵遂與趙氏有
隙其後齊王建孫田安下濟北從項羽救趙大破秦
軍漢元年正月項羽從義帝分裂一十九王分齊為

三徙齊王田市為膠東王都卽墨封齊將田都為齊
王居臨菑田安為濟北王都博陽四月諸侯各就國
田榮大怒不肯遣田市之膠東迎擊田都都走楚市
畏羽亡之膠東榮怒追殺之自立為齊王令彭越擊
殺濟北王田安田榮遂併王三齊之地田市為王凡
一年六月餘田都田安不克王漢二年春正月項羽
擊田榮城陽榮敗走平陽平陽民殺之齊盡降楚田
榮為王凡七月而楚二月復立田假為齊王項羽所
過殘滅齊復叛之田橫收亡卒數萬人復反城陽三

片田橫逐齊王假田假為王僅一月四月田橫立田
榮子廣為齊王漢率五諸侯入彭城項羽南與漢王
戰田橫盡定三齊之地漢四年冬十月韓信襲破齊
歷下軍齊王田廣走高密十一月韓信大破齊楚于
濰水殺龍且虜齊王田廣齊相田橫自立為齊王灌
嬰敗之悉定齊地韓信請為齊假王春二月漢使張
良立韓信為齊王田廣為王一年八月餘橫不成王
韓信後徙王楚非六國之田矣齊自太公呂望佐周
武王平天下封于齊其先姜姓為禹四岳佐平水土

封于呂者也青州之臨菑縣故為營丘太公始所封也自太公至康公二十九世為田氏所滅周安王十六年初命齊大夫田和為諸侯歲在乙未去三晉初侯十八年去獲麟九十六年至漢高帝元年乙未一百八十年陳恒之殺齊簡公也在獲麟之年孔子嘗請于魯欲討之當是時而孔子之計得行則晉之五卿魯之三桓齊之田陳皆當有以處之不至猖獗蓋春秋終于此而聖人知後世之不可復為矣初陳公子完奔齊食采于田春秋後改姓田氏完曰田敬仲

至陳恒亦曰田常六世田常至大夫和三世田和至齊王建七世以秦始皇二十六年為王賁蒙恬所滅自威王至王建稱王者五世湣王與秦昭王嘗一為帝尋去帝號齊地東濱海北至燕南界魯西限趙魏不與五國從親循至于亡纂弑以興無足道者故諸田于劉項間為驅除云

燕復立王三

燕次齊復燕者姬姓周武王封召公于北燕地在幽州燕山之野當是時自有一燕國姑姓黃帝之後在

今所謂滑州者召公受封以元子就國而次子留周
室代為召公與周公且之次子代為周公為二伯分
陝者是也二公又皆以師傅行六卿之事燕自召公
至王喜為秦王賁所滅秦始皇二十五年也凡四十
四世其地為漁陽右北平遼西遼東上谷代郡鴈門
之郡南得涿郡之易容城范陽北新城固安涿郡良
鄉新昌及渤海之安次漢武所置之樂浪玄菟亦皆
屬焉南通齊楚西界趙魏北隣焉柏扶餘東縮穢貊
朝鮮真番亦曰東胡秦二世元年九月韓廣自立為

燕王班史帝紀所書也攷之陳涉傳張耳陳餘既立
武臣為趙王遣攻上谷卒使韓廣北徇燕燕地貴人
豪傑曰楚趙皆已立王燕雖小亦萬乘之國也願將
軍立為王韓廣曰廣母在趙不可燕人曰趙方西憂
秦南憂楚其力不能禁我且以楚之強不敢害趙王
將相之家今趙獨安能害將軍家乎韓廣以為然乃
自立為燕王此必燕王丹之太子被誅與王喜之被
執無復有召公之後矣故燕人立韓廣為王亦可謂
匹夫而僥倖者矣漢元年春正月項羽分燕為二徙

韓廣為遼東王都無終封燕將臧荼為燕王都薊八
月燕王韓廣不肯從國遼東臧荼殺之併其地韓廣
為王僅三年漢三年冬十月漢韓信發使使燕王臧
荼下之漢五年秋七月臧荼反陷代地帝自往征之
九月滅燕虜臧荼封盧綰為燕王臧荼為燕王僅四
年盧綰後以陳狝事敗初勸陳涉立六國後窺帝業
者張耳陳餘也涉不能從張耳陳餘立武臣王趙非
趙後既而得趙王歇王之齊田儋亦田氏後而韓廣
之立非召公後項羽私王臧荼亦非召公後無德于

民功薄能細乘時之利驟得為王亦足以殺其身而
已矣盧綰以高祖同日生媿押得王亦不長被韓魏
亦皆亡國之餘為漢驅除獨陳嬰不肯自王從母之
訓為可取耳

魏復立王三

魏與齊燕同以秦二世元年九月復立然魏之復立
獨異于他國有可書者班史帝紀書曰魏咎自立為
魏王非也意以謂天下之王侯皆自立以明沛公之
自立不為非也初陳勝遣魏人周市北徇魏地下數

十城以豐故梁徙誘雍齒叛沛公及豐為魏而市為
田儋所擊遂還魏地立魏後寧陵君為魏王咎在勝
所不得之魏魏地已定欲立周市為魏王市不肯使
者五反勝乃立寧陵君為魏王遣之國周市為相考
之史記月表乃謂魏王咎在陳不得歸國十二月陳
勝死咎自陳歸立呂東萊謂周市虛位四月以待咎
也與班史陳勝傳亦異如此則魏咎之位出于周市
其名甚正班固以為自立其亦誣矣秦二年正月章
邯圍魏王于臨濟下殺齊王田儋及魏相周市魏王

咎為其民約降咎自燒殺呂東萊曰周市之義魏咎
之死君臣皆可觀矣市不乘時以奪君之位咎寧自
死其身而脫其民于死故東萊嘉之咎為王僅十月
而四月不居其位就國一月而受圍受圍半年而身
死妄意功名富貴亦可監哉六月魏咎既滅九月咎
弟魏豹自立為魏王都平陽漢元年二月項羽分魏
為二徙魏王豹于河東為西魏以趙將司馬卬為殷
王都朝歌漢二年二月殷王司馬卬叛西楚二月漢
王渡河西魏王豹降將兵從漢擊楚又下河內虜殷

王邛置河內郡及漢王敗于彭城五月魏王豹叛漢
取為楚九月漢韓信滅魏虜魏王豹定魏地為河東
上黨郡豹為王餘三年邛為王餘一年其後周苛殺
豹榮陽魏姬姓畢公高之後畢萬仕晉獻公趙夙為
御畢萬為右帥師伐耿魏滅之以耿賜夙以魏賜萬
從其國名為魏氏魏絳大得志于晉悼公之時遂為
六卿之二六而三之遂為三晉之一至魏文侯斯列
為諸侯文侯卒子武侯擊立武侯卒魏惠王瑩立亦
曰梁惠王戰國中始稱王者立三十六年其三十一

年自安邑徙都大梁今浚儀開封之地封魏十六世
而為諸侯為諸侯九世而滅稱王者七世秦始皇二
十三年王賁引河灌大梁滅之虜其王假其地自高
陵以東盡河南河東河內南有陳留及汝南召陵滎
疆新汲西華長平潁川之舞陽鄆許鄆陵河南之開
封中牟陽武酸棗等皆魏分漢得其地及秦之所得
周地三川郡為河東河內河南名曰三河不以封
韓復立王四
韓之復立最在六國後秦二年十一月趙王武臣死

十二月楚王陳勝死正月趙王歇立楚王景駒立在
留沛公失豐往從景駒道得張良遂與俱見景駒請
兵攻豐張良傳與沛公拜良為廐將良遂從沛公不
去韓猶未有王也二月項梁渡江收兵六七萬人軍
下邳三月沛公以兵屬項梁破殺景駒六月范增說
項梁立楚後沛公與項梁在薛共立楚懷王孫心都
盱台于是良說項梁謂韓諸公子橫陽君成賢可立
為王項梁使良求成立為韓王良為韓司徒蓋陳勝
起而敗景駒起而敗楚懷王孫心立楚三立王天下

之變一年矣而韓王成始得立其所以立為張良本
心五世相韓欲復其國也後九月楚懷王與諸侯約
先定關中者王之而使項羽救趙沛公入關沛公入
令韓王成留守楊翟而與良俱攻下南陽郡秦三年
七月也八月良從沛公破秦入武關九月沛公用良
策破峽關漢元年冬十月沛公至霸上子嬰降十二
月項羽入關春正月項羽陽尊義帝二月項羽分十
九王韓為二韓王成如其故都陽翟封楚將申陽為
河南王都洛陽四月諸侯各就國張良歸韓七月項

羽廢韓王成為穰侯先與俱至彭城尋殺之張良復
歸漢項羽所以殺韓王成為惡張良從漢入關而漢
王成為漢守陽翟故也八月漢王還定三秦項羽立
故吳令鄭昌為韓王以距漢漢二年冬十月漢王如
陝河南王申陽降置河南郡漢以韓襄王孫信為韓
太尉擊韓韓王鄭昌降十一月立韓太尉信為韓王
四月漢劫五諸侯兵伐項羽入彭城常山河南韓魏
殷是也漢六年春正月徙韓王信國于大原信徙都
高邑其秋匈奴冒頓圍馬邑信以馬邑降匈奴成為

韓王兩年申陽為王八月許鄭昌為王僅三月惟韓
王信王韓四年餘而徙國徙國八九月而降匈奴或
問張良始說項梁立韓王成成死漢降鄭昌立韓王
信則韓為有後而有國矣漢三年項羽急圍漢王榮
陽鄒生謀撓楚權請復立六國後而張良乃不然其
計漢王刺印銷印于俄頃之間其故何也豈張良以
韓已有國不復他恤乎曰非也天下初起張耳陳餘
來說陳涉立六國後陳涉于此而能從之事未可量
未必遽敗楚立兩王皆相繼破然後范增說項梁立

楚懷王孫心是時齊魏燕趙俱有王獨韓未王故張
良亦說項梁立韓王成皆從民望此項氏之所以驟
得志也梁死羽忿沛公獨先入關羽皆約自王善地
首殺其主所分諸侯皆以其臣而迫奪其主漢直羽
曲滎陽之圍雖急漢之勢已成矣當是時而又別立
六國之後以漢見地與人是自削也以河南河北未
得之地與人又其誰肯拱手而遜之乎復立楚懷王
後一人為楚可也項羽肯即以地畀之乎鄼生之策
迂誕可見張良所以荅漢王者可從也陳涉當立六

國後而不立則失之漢王不當立六國後則不立乃
得之也其失其得繫乎時之可不可而勢之成不成
也韓姬姓晉封于韓原曰韓武子萬後三世韓獻子
厥晉作六卿而厥在一卿之位范中行氏知氏滅曰
三晉遂與趙魏俱得列為諸侯自謹侯虔始封至王
安凡十一世稱王者五世而滅秦始皇十七年也李
斯以韓為秦腹心之疾故首伐滅韓韓分晉得南陽
郟及潁川之父城定陵襄城潁陽潁陰長社陽翟郟
東接汝南西接弘農得新安宜陽韓哀侯二年滅鄭

而都之即潁川郡郡名皆依漢或秦併有滎陽成臯之險成

臯者即春秋之虎牢鄭叔段之制秦先滅周而得三

川又滅鄭而據滎陽成臯則趙魏中斷東向以臨齊

魯山東而天下之勢可知矣天下之地除北狄西戎

東南界海外夷蠻其內皆秦及六國地故詳論漢初

六國起伏如此漢初

泗川監平泗守壯曰漢初

秦分天下為三十六郡曰內史漢三輔及弘農郡曰定州河

內河南曰河東曰南陽曰南郡曰九江漢並曰鄆郡

治故鄆在今湖州長興縣西南他郡所治候漢改

曰會稽治吳中殺會稽假守通知會稽守治吳今平

江曰潁川二郡漢因之曰碭郡漢梁泗水漢紀兩書

水即川也通名高帝更名沛郡故泗水郡有沛縣有

豐縣鶴山謂沛縣豐邑恐後升沛為郡豐為縣也

曰薛郡漢魯國即伯曰東郡曰琅琊漢並曰齊郡漢

國曰上谷曰漁陽曰右北平曰遼西曰遼東曰代郡

漢並因之曰鉅鹿曰邯鄲曰上黨趙地韓地曰太原

皆邊胡曰雲中漢並曰九原漢改曰鴈門曰上郡曰隴西曰

北地漢並因之皆曰漢中曰巴郡曰蜀郡漢並曰黔

中漢改武陵郡今曰長沙此所謂三十六郡也其後
鼎豐辰沅靖地
南越閩越又置桂林漢改為南海治番禺象郡漢改
為日閩中治侯官漢武合四十郡郡置守尉監前漢
南郡帝虛其地
百官表郡守秦官掌治其郡秩二千石郡尉秦官掌
佐守典武職甲卒秩二千石監御史秦官掌監郡守
者守其地也尉者分其兵權也監者使其親昵監之
也通典曰秦以御史監理諸郡謂之監察史戰國策
有韓安邑之御史則以御史監郡六國亦有之非始
于秦漢省其官此所謂泗川監平將兵圍豐沛公出

戰破之泗川守壯兵敗于薛走至戚沛公左司馬得
殺之是見沛公初起監郡引兵圍其家而為沛公所
破也泗川守兵敗于薛亦沛公敗之也走至戚而後
左司馬擒殺之沛公一起而殺縣令敗郡監殺郡守
秦非不強而長民者相率為虐匹夫得而誅之郡縣
之制不足恃也向今守周之舊典大國三軍次國二
軍小國一軍公侯百里伯七十里子男五十里井其
甲鄉遂其民一戎車而甲士三百卒七十二以為其
軍下孰有崛起而叛者哉漢得天下以郡大大稍復

開置間之以諸侯王國則是封建之制猶與郡縣之
制錯行高祖增郡二十六文景各六武帝開廣三邊
增二十八昭帝一訖于孝平凡郡國一伯三縣邑千
三百一十四道三十二侯國二伯四十一縣有蠻夷
謂之道諸
侯土國或兼一郡以上由是而後封建漸革東漢功
臣唐初將相雖封以地不屑就國惟歷代親生間有
得地而君之者郡愈分而狹縣愈分而小自漢武置
部刺史倣古者方伯之意以六百石察二千石權猶
未重漢永改為州牧則若唐之節度使足以鉗制郡

縣而為變為叛其偏重既已如此而偏于輕者郡成
無城無兵縣專任催科敲朴以供上歷千五百餘年
近二千年主一部者為監司主一郡者為太守名稱
各不
同如刺史如總
管如知州之類主一縣者為縣令或令或長或尹更
或知縣亦不同
代不常羣胥為政要不如古者之封建封建之弊至
于衰周春秋戰國上無天子攻伐殘戮數百年要其
實猶勝于後世之郡縣必不得已如漢初封建郡縣
錯行之封之國者必如賈誼所謂衆建諸侯而少其
力則庶幾乎

道得張良

天下之事不可測也而神交氣合若符節然昔者孔子定書典謨所紀無非疇咨任人之事湯之聘伊尹高之夢傅說文王之卜而得呂望皆先有求賢之心而後人才應之若天所畀付之者沛公初起主使蕭何為沛丞督事曹參以冲涓從中涓如中謂者師古清涓掃之事益周勃以冲涓從樊噲以舍人從皆沛人夏侯嬰周繆之徒亦皆以沛人從未有所謂張良韓信陳平也秦二年正月沛公從景駒于留道得張

良同見景駒韓王成未立也良未有所事也聚少年百餘人欲從景駒而邊從沛公為廐將說以太公兵法謂沛公殆天授以故遂從不去然則君臣之間豈非天乎沛公入關為漢王至漢中始得韓信漢元年七月也下河內虜殷王卬陳平始降漢二年三月也漢王之得天下蕭何功居多然張良之善謀韓信之善戰陳平之善出奇計非此三人亦不足與有成人之才之在天下無窮人主有高天下之才又有度越天下之德而以人才為心則將不求而自至易曰飛龍

在天利見大人孔子曰同聲相應同氣相求水流濕之
火就燥雲從龍風從虎聖人作而萬物覩故君臣之
相得也若天實為之蓋聲氣相求自有必然之理而
不可測也漢光武之得二十八將唐太宗之得房杜
王魏宋太祖之得趙普曹彬皆天為之然卒不能復
三代之盛治則以道學之不明不過各極其氣質之
所受以相資故漢唐宋所為止于漢唐宋而已

沛公往薛見項梁

秦二世元年七月陳勝起斬九月沛公起沛項梁起

吳田儋起齊韓廣王燕魏咎王魏沛公雖破泗川監
平殺泗川守壯而十二月失豐雍齒叛之項梁未渡
江也秦二年廣陵人召平為陳勝徇廣陵未下聞陳
勝敗渡江矯陳王令拜梁為楚上柱國曰江東已定
急引兵西秦是時通吳越二國為會稽地治吳縣
總稱曰江東項梁乃與項羽以八千人渡江而西東
陽陳嬰不敢自王以其兵二萬人屬項梁為項氏世
世楚將名族必可倚以亡秦也項梁遂渡淮英布蒲
將軍亦以兵屬凡六七萬人軍下邳而秦嘉已立楚

王景駒軍彭城東欲距項梁此梁之所以不平而擊之
秦嘉也而况嘉弱梁強景駒又非懷王之後采梁之
言曰陳王有事戰不利未聞所在今秦嘉背陳王立
景駒大逆無道則兵有名矣乃擊殺秦嘉景駒走死
沛公亦方且弱甚不過并有碭郡六千人為九千人
耳不往見項梁于薛不可也所謂尺蠖之屈以求伸
也項梁益沛公卒五千人引兵拔豐一小屈而遂大
伸亦知時義而為之者也薛郡即伯禽之魯楚滅魯
秦置薛郡

共立楚懷王孫心

秦二年六月沛公如薛與項梁共立楚懷王孫心為
楚懷王都盱台應邵曰六國為秦所併楚最無罪為
百姓所思故求其後立為楚懷王以祖謚為後順民
望也周赧王十九年楚懷王卒于秦呂東萊曰是後
八十六年楚成卒陳勝稱大楚首雉于蕲范增說項
梁立懷王孫心也其言曰自懷王入秦不返楚人至
今憐之故曰楚雖三戶亡秦必楚懷王庸主耳使放
于楚民豈以其存亡繫心哉及秦遇之無道則舉國

如悲親戚積怨深怒傳百年而不衰又以見天理人心在公而無定在也然則東萊之說當矣而其謀實出于范增當是時秦將章邯方強破殺魏王咎齊王田儋于臨濟圍田榮于東阿七月沛公與項梁救田榮大破章邯于東阿田榮歸齊沛公項羽追北章邯之戰未嘗敗也至此始敗非劉項合勢不足以敗之審強弱識離合沛公時已得張良其謀蓋有所授歟立生人為君用死者之號得古者出師載祖廟主從軍之意為楚復讐則又得宋襄公復九世讐之意後

世有二帝蒙塵而忍于講和者痛哉
斬三川守李由
三川河洛伊也秦滅周取河南伊洛之地并今懷州漢河內郡為三川郡李由者秦丞相李斯子也初陳勝以吳廣為假王監諸將以西擊滎陽廣圍滎陽李由為三川守守滎陽廣不能下會章邯破殺周文將軍田臧等以吳廣不能下滎陽恐秦兵至矯陳王令誅吳廣以少兵守滎陽悉精兵西迎秦軍皆為章邯所破田臧雷李歸等在滎陽下章邯亦破之歸死章

邯東擊魏谷臨濟滎陽圍解故李由出至雍丘也樊
噲周勃夏侯嬰傳皆言破李由雍丘及沛公與項羽
共擊秦軍至雍丘大敗之遂斬三川守李由也由以
丞相子守天下重地內有援已亦不為無才然秦置
郡甚大設官三人以為守一為尉一為監不見屬官
雖所統大郡至數十縣縣設令丞尉亦三人而墮城
銷刃民無所保上又無方伯連卒之職可以叫呼攀
援郡守雖可直達朝廷而秦法之嚴豈能朝奏暮報
卒然有急閔中出大將必如章邯者軍未至而已糜

于盜手矣此郡縣之不足恃明驗也後世郡愈狹縣
愈小監司非迫急則庸繆守邊則不足以守邊禦盜
則不足以禦盜宋以制置使宣撫使專闖外邊郡各
設屯軍立郡統制領將佐為軍官郡守之在邊者兼
節制而縣令大率苟且有緩急則調他軍應援立大
將為總統備多力分將卑師少往往而是人心未厭
猶足以崛強假息人心一日不固禍不勝言秦以至
虐之政行至繆之法李由之父丞相也無如一趙高
何李由守天下之險無如劉項何始皇之內未寒也

一官者敗其內群匹夫敗其外非有閔隹麟趾之心
而又無周官之法度國其有不亡者哉
章邯夜銜枚擊殺項梁不與戰
章邯出關未嘗敗惟劉項與戰大破之東阿又破之
濮陽東又沛公與羽斬三川守李由項梁以再破秦
軍有驕色秦益章邯兵九月章邯夜銜枚擊項梁軍
定陶大破之殺項梁周禮秋官銜枚氏掌同鷩軍旅
田役令銜枚鄭氏註銜枚止言語鷩誰也枚狀如箸
橫銜之為之纒結于項師古曰纒者碍也結繞也蓋

為結紐而繞項也

鄭注與師古潔字不同鷩五高反
蓋一音許驕反纒音獲周禮戶

反結音頓此蓋項梁驕而無備章邯夜以步兵銜枚擊殺

之也定陶未下項梁駐軍于此而項羽沛公攻陳留
軍分為二為三章邯所以輕視之歟猶近世夜劫寨
然偶中其計項梁固失策而章邯亦豈足為雄哉近
世軍中銜枚法以繩繫一銅錢于胸下令止鷩則銜
之多以用之夜而劫寨呂東萊曰此秦再振諸侯再
衰之時也水根既蹶雖形有起伏兵有利鈍亦何關
于大勢哉定陶今曹州定陶縣

徙懷王都彭城
懷王始都盱台今淮西盱台軍也今徙都彭城今徐州彭城縣也章邯既殺項梁連雨七月至九月沛公項羽方攻陳留聞梁死士卒恐乃與將軍呂臣引兵而東徙懷王自盱台都彭城此所謂有進無退也士卒恐則氣不勇軍退于陳留則勢稍不振徙懷王自南進北幾千里而都焉則鼓懦為壯而諸將知楚之所向矣當是時惟有北救趙西入關為天下兩大事章邯者亦愚夫也必南擊楚懷西護滎陽成臯以西

保天下不敢窺函谷武關為第一義乃以楚地兵不足憂而北擊趙趙未破而楚軍進楚于是分項羽救趙今沛公入關似乎天以一趙委秦疲章邯而成劉項之勢振楚之業者彭城形勢蘇子由黃樓賦述之詳矣子嘗登樓故基望項羽戲馬臺觀之城四面皆山圍之山去城則九里許泗水過黃樓之下西望山若缺者子由有傷心極目之語信然大抵既有地勢又以有民而後可強來劉裕駐此以圖北方魏太武立纜帳戲馬臺不能攻而去唐李臨淮據此為節


度勢雄一方張封父子久居之愈為強鎮龐建勛之
亂唐以漸替而黃巢之寇起于曹良以人眾兵多故
也今荒垣曠野閒然無人黃樓遺跡僅餘石礎畢篆
方碑蕩然獨在則形勢不足言矣
後九月
文穎曰即閏九月也時律曆廢不知閏謂之後九月
顏師古曰文說非也若以律曆廢不知閏者則當徑
謂之十月不應有後九月蓋秦之曆法應置閏者總
致之于歲末觀其此意當取左傳所謂歸餘于終耳

何以明之據漢書表及史記漢末改秦曆之前迄至
高后文帝屢書後九月是知故然非曆廢也
沛公為碭郡長封武安侯
秦置郡守而楚懷王以沛公為碭郡長郡長之名始
此灌嬰傳破薛郡長師古曰長亦如郡守也每郡置
長意者其楚之舊制歟沛縣也秦置令父老殺沛令
立劉季為沛公即楚縣令之稱為公者也懷王于此
進沛公為郡長以令而遷守也封為武安侯六國與
秦制也碭郡漢為梁國本宋都今之睢陽也周五侯

三王非天子之命孰敢建侯三晉之與田和篡晉齊
求周封為諸侯而僭王之漸起春秋時惟楚僭稱王
吳越亦稱王中國以蠻夷外之書楚子六國魏惠王
首僭稱王齊次之燕韓趙又次之秦惠王稱王乃在
其後凡稱王則以天子自為而僭周室矣周顯王十
二年齊威王封其相驪忌為成侯呂東萊曰諸侯擅
封同姓見于書傳者自晉昭侯封成師始諸侯擅封
異姓見于書傳者自齊威王封驪忌始自是而後秦
魏冉封穰侯范雎封應侯即漢武帝宰相封侯之例

也又有所謂封君者或在侯之上或在侯之下與封
侯者或以地名或以秩名孟嘗平原春申信陵四公
子尤顯樂毅之昌國曰起之武安秦之華陽君涇陽
君安國君商君皆封君也趙武靈王初不自王而稱
君則此其所貴君之貴在侯之上秦爵二十等一曰
徹侯而無曰君者秦有天下定制也漢以酈食其為
廣野君蒞敬為奉春君則君似在侯之下故世之相
尊者曰君侯曰君公曰公侯皆有爵號封邑之稱而
其僭則見于戰國劉季雖受碭郡長武安侯之封然

自入關至封漢王止稱沛公項羽之起江東為會稽
將其季父項梁為會稽將召平矯令為楚上柱國
後自號武信君而敗死羽未有除拜至則亦為魯公
長安侯則是以楚之縣公為諸侯也劉季項羽是時
相與若兄弟然由是而論後世之封爵當作廣封爵



古今攷卷之四終

